

安仁縣志卷十五

關津 橋渡附

邑當吳越閩楚之衝四方走集而地非險要防隘數處並非權關例不徵稅然流水縈帶居人旅客出門汔濟踵相錯焉輿梁舟楫及時告成往來行人履道坦坦真蕩平之路也人無病涉何致自崖而反志關

津

信州關

在城東隅通貫溪弋陽要衝故以關名關外為方家站元置馬站明洪武初以通水路革之

徽州關

在城北隅通萬年樂平徽州要衝故名唐咸和中置興安鎮尉司兵於此後廢按唐無咸和關疑

鄧埠鎮

縣南四十里界連金谿東鄉貴溪諸縣明寇張炤四國朝担匪蕭爛脚由茲擾害嘉慶十七年移

安仁縣志

卷十五

關津

駐縣丞一員新設千總一員駐防彈壓

華山

縣西北七里許高數百丈環繞二十餘里為一邑屏障

管坊洞

縣南七十里羣峯峭立幽曠深邃地勢險隘世傳宋末土人避兵於此

陳婆砦

縣南六十里居馬祖巖西週圍五里四壁陡絕絕堪容萬人邑人常避兵於此

石港塘

縣東十里閩浙要津元至正兵起邑人王溥就所居築城固圉遺址尚存現設兵五名戍守

藍橋塘

在西城外為鄱餘要津現設兵五名戍守

金盤山

縣東十五里峯嶽差峩最為險塞詳見山川

吳山

縣北二十里姚源寇起參政吳廷舉立營於此故名後改新添鋪

橋附

衣錦橋

縣治東明王溥妻段氏建跨王石澗通石溪衢近育才坊後圯永樂時僧會慶重修建觀音閣故又

名觀音橋舊每歲迎春於此

玉峯橋 治東跨玉石澗通石溪衢城中水經此出

藍溪橋 治西跨紫雲嶺水通餘干明邑人李用章破水墩分三道編木為梁舟楫出入則啓之後圯成化知

縣翟觀命耆民斃石萬厯真寅淫雨傾圮知縣鄭明選為久遠計率僚屬捐俸砌建

揚清橋 治西李家塘斃石為梁東西接官道臨錦江歲久傾圮知縣李恆命耆民督修近風憲按臨地故名

蓋取揚清激濁之義

通濟橋 治南通上渡金谿跨玉石澗明洪武知縣闔彌建後圯正統間知縣項備以石斃之尋為暴水壞成

化丙午知縣翟觀命耆民桂意植椿斃石嘉靖間知縣薛球因圯復建故又名薛公橋後鄉賓汪琪監生汪球同修

定公橋 治北雲錦橋 雲錦門外知縣劉照黎開小河引玉石澗

水繞城架橋以濟嘉慶二十一年縣前首士募建石橋 增

萬福橋 迎瀾門外舊名迎瀾橋通玉石澗宣洩城水出錦江舊有小橋圯嘉慶十二年知縣李杰倡邑士民

### 安仁縣志

#### 卷十五

#### 關津 橋 二

募修又圯道光二年監生嚴敦福重修又圯道光七年城南州同張廷松鼎建捲橋長四丈濶一丈二尺 增

#### 一都

畫橋 湯源跨東澗水路通樂平貴溪乾隆六十年鄉賓湯道鵬重建

#### 二都

孝烈橋 跨洪源澗宋謝疊山女適金竹周銓早葦聞父與母李氏死節遂出奩質作橋橋成赴水死宋狀元

鄭解有詩云至今溪上連宵月照徹貞魂萬古心序記見藝文

王瑤橋 架木為梁跨南山通樂平邑人王瑤建

躊躇橋 石峽村路通饒廣長一丈闊一丈五尺宋謝疊山女適進士宣議郎周銓聞父與夫皆死於燕欲盡

節於斯訛傳其訃不確因躊躇不果故名後盡節於孝烈橋 增

#### 三都

大橋 跨南源澗通樂平乾隆十二年生員朱光斗遺命其子瑛重修圯嘉慶年間吳廷萬重建

吳株橋 跨橫山源澗通樂平邑人姜誠修後圯康熙十一年復建儒學賴紀隆撰引

釣橋 跨彬山墩上里 曹功橋 跨畫橋澗通萬年路

四都

三港橋 跨橫山通萬年洪武初邑人王溥妻段氏建後圯里人吳伯澄重修又圯嘉慶二十四年監生周家誥封職張登輿附貢祝謨明併楊劉易三家四股台建

五都

石橋 跨紫雲澗洪武初僧若海募建

六都

九子橋 跨紫雲澗架九石爲梁

安仁縣志

卷十五

關津橋

三

黃田橋 跨紫雲澗邑人王溥妻段氏建圯知縣翟觀以往來要道借邑少參辜顯耆民李孟禎等市石鼎新國朝劉庭賜重建

後圯嘉慶丙寅眾建 楊家橋 跨牧羊界嘉慶間晏增

小港橋 長六丈闊九尺跨紫雲澗乾隆四十八年眾捐貲鼎建後圯嘉慶二十一年在鄧北隅倪志茂市石重修復圯道光四年封

職張登輿重建 洪家橋 今名豐田橋增

七都

杜橋 縣治東七里跨青山源通貴溪架木爲梁歲久圯成化辛卯邑人辜顯率眾市石砌之世傳里人杜氏居此故名

柴萸橋 跨青山源通貴溪路

團湖橋 嘉慶五年餘邑捐投朝議大夫黃國定鼎建長七丈闊一丈二尺高二丈五尺

尙儒橋 跨青山源通樂平路乾隆四年生員朱光斗捐貲重修

化儒橋 跨青山源出藍橋大河通萬年路後圯東隅楊應梅重建

古圳橋 界連餘于康熙年間餘民估鑿越界不團湖

蔡家橋 翁家橋 路通貴長丈餘闊

碼橋 鐵山村長三丈高一丈五尺闊一丈

文興橋 團湖村上通廣信下達饒郡嘉慶甲子

塔路橋 路通饒廣監生

八都

錦溪橋 縣治東石港跨泉塘邑人王溥妻段氏石砌決墩

去墩通為一座後圯乾隆癸卯年楊應梅鼎建

九都

夏思橋 跨易溪澗里 易陂橋 世傳易氏居之

安仁縣志

灘坑橋 饒廣通衢長六丈闊六尺高一丈五尺

九蓮橋 彭姓門 深坑橋 饅頭石眾

十都

橫岡橋 跨橫岡牛塘架木為梁明成化

十一都

盤石橋 跨盤石澗 大山橋 跨盤石澗

新橋 邵元節建

泰橋 盤石村路通撫金長三丈闊一丈五尺劍貢艾凌霄建

層慶橋 蔡家埠下長灘上路通鄧埠計十七座長二十餘丈艾凌霄建

十二都

卷十五 關津橋 四

西樓橋 跨金谿

楊子橋 瑛塘村通

紹武橋 瑛塘村姜桂妻崔氏建路通建昌

十三都

流芳橋 祈雨嶺南界接金谿盧瑛建其子昌重修

河陂橋 跨河陂澗水架石為梁通金谿宋里人趙漕元建

萬安橋 盧瑛建 爐前橋 五峯村通金東路

石麟橋 流芳村邑庠盧燦建

十五都

連茹橋 大豐村通撫州長二丈闊四尺乾隆壬辰年段景輝建甲寅子萬邦重修增

十六都

安仁縣志 卷十五 關津橋 五

蔡家橋 跨河陂澗水路通臨川

西河橋 洪崖村

環溪橋 洪崖村 上連橋 憲副毛思誠建

正芳橋 鵞湖吳淑予建 下芳洲橋 鵞湖吳淑予修

彰公橋 僧泰庵募建儒學賴紀隆撰引見藝文郡守黃家

理問吳國璋捐銀二千九百餘兩廬州司馬毛廷錦捐銀

九百餘兩捐授縣丞吳繡谷捐銀五百餘兩監生吳騰祥

捐銀一千餘兩五峯寺僧密山捐銀九百餘兩倡建外募

本邑及各郡助捐繁不備載共用二萬九千餘金凡十四

年告竣計長四十三丈一尺高六丈一尺闊一丈七尺五

寸知縣梁粹邑人毛廷錦有序吳國璋有記俱見藝文

齊家橋 洪崖村通撫金達餘萬長三丈闊增

步雲橋 洪崖村通貴溪長三丈闊增

十七都

鷺湖橋 跨鷺湖澗

璜港橋 知縣程瀚率

龍湖橋 跨龍湖水

龍乘橋 金玉成

重新橋 邑庠鄧師貞象晉

十八都

太橋 水口村邑

安東橋 霞塘村左伯明糾族

荆橋 水口王奠國復會暨諸紳士

歸汪橋 以民拆入東鄉復歸本

古隴橋 跨饒家陂

十九都

王家橋 界接東鄉店

梅坑橋 跨梅坑通

安仁縣志

卷十五

關津橋 六

二十都

上林心橋 舊名何林心橋前通金

上林橋 俗名岔港橋里人桂養文

儒林橋 跨饒家陂學

二十一都

滑石橋 甲官

張家橋 跨張家澗

桂洲橋 桂洲村教授桂常建後圯生員張敬同兄明

獺尾橋 饒廣通衢乾隆庚 楊坊橋 饒廣通衢乾隆壬申

二十二都

螽斯橋 中峯村邑人鄭伸無嗣夢人在

烏石橋 跨烏石澗水 石多黑色

株杉橋 成化間里人李處信伐石重修

竹架橋 院埠李姓修建

連二橋 南坪村長二丈闊三尺二橋相連故名增

朝陽橋 南坪村長二丈闊四尺 增

二十三都

橫山橋 跨北源流水邑 人倪信觀建

大橋 通臨川路後祀天順間縣丞 吳孟琮命耆民斂貨市石建

羅公橋 通東鄉長六丈闊四尺 郡武庠段顯祖建 增

貴人橋 通東鄉長五丈闊四尺 監生于錦建嘉慶間子 監生柱修道光四年孫堅壁現壁又修 增

二十四都

李芳橋 水通臨川路

黃嘉橋 仁興村港邊倪氏門右跨洋漸溪水注錦

安仁縣志

卷十五

關津橋 七

江路通撫廣長四丈 二尺闊四尺募修

星飛橋

羅家橋 高嶺村通東鄉長五丈闊四尺 鄉賓段景輝建 後祀子顯祖修復祀孫廷獻廷魁重修 增

新陂橋 仁興村通東鄉長四丈闊四尺 乾隆二十八年段景輝建 增

泉源橋 仁興村通省城長一丈闊五尺 乾隆己丑年段景輝建 增

利步橋 倪夏門首通東鄉長三丈闊四尺 段顯祖建 增

田埕橋 通鄧埠闊八尺 段顯祖建 增 樂聚橋 仁興村通東鄉長七丈闊四尺 增

黃家橋 仁興村通東鄉長十九丈闊四尺 道光三年又募設茶亭 增

福興橋 上渡村通東鄉長五丈闊四尺 武庠段顯祖建 增

路附

沙灣路 五都沙灣村一都湯可仁妻虞氏捐貲砌石計四百五十五丈又捐田一畝六分為每年修路費 增

渡附

孟家渡

卽萬緣渡在孟津門外路通東鄉初募置贍渡田二十七畝三分後被奸民侵食致渡久廢嘉慶十

年生員熊南紀呈請斷歸義學膏火十八年復經署令陳斷轉盧山田三畝三分砂基田二畝古城田五畝共十畝

三分仍歸義渡收租餘十七畝撥入義學有讞道光五年城南封職張登輿構石新砌馬頭

上渡縣南居錦江上流乾隆十四年九都敖國忠妻妾陳氏王氏高氏造義船三隻給上田六十畝零六分分

贍渡夫外給田十八畝六分付本戶吳敖盛收租公營爲完糧修船費創基屋三間渡夫居住知縣魏鈇嘉其義舉

爲之勒石永禁侵佔奈年久碑廢田屋盡爲奸民侵賣未有能發其奸而復其業者惜哉

七都

浮石渡

炭埠村卽胡家渡去縣五里

八都

安仁縣志

卷十五

關津渡

八

石港渡

卽石溪渡路通饒廣乾隆五十七年捐職鄒枚監生曾唯等建立義船二會唯同兄力恕捐田二十

二畝七分鄒枚同監生楊桂杜芸王蘭耆民黃瑞祥熊文俊共捐田二十八畝八分五釐嘉慶八年眾議添捐船費

會楊杜黃共加捐田八畝五分又監生周錫爵捐田六畝八分鄉賓胡翹望捐田二畝糧均石溪義渡戶承納

十都

汀溪渡

舊名丁古渡舉人陳嘉言改名汀溪渡有說見藝文

蔡家渡

十一都

張家港渡

熊家渡

礪石渡

十二都



青山渡

十三都

漢溪渡 漢溪路通東鄉鄉賓吳思禮倡設捐田十八畝有奇計租三十四石以二十石贍渡十四石完課修船及思禮亭諸費嘉慶十七年族眾又添興船隻捐田十四號贍渡

王家墩渡

十四都

山田渡

仙巖渡

寺前渡

路通饒廣監生曾光裕設捐田十畝餘贍渡

水北渡

增

十六都

安仁縣志

卷十五

關津渡

九

洪崖渡

駱家渡

樓背渡

彰公渡

舊架舟為渡今改砌石橋名彰公橋

溪山渡

十七都

黃岡渡

二十都

鄧家埠渡

二十一都

東溪渡

路通撫信

塔前渡

西岸安仁界東岸貴溪界眾募建

朱埠渡

路通撫信邑紳周蓮建捐田十一畝一分收租贍渡

增

二十二都

黃家渡

李家渡

路通撫饒黃家渡上  
瀉港灘募眾新設增

二十四都

黎浦渡

去孟家  
渡二里

高嶺渡

長發渡

路通撫饒監生吳作成設  
捐田十二畝六分增

永鎮渡

增

安仁縣志

卷十五

關津

渡

十